

Xujun xi kits'inkjihí nda postru Pablo xuta ninku Colosa

B'i ts'in kikjaniñaha Pablo xuta ninku xi tjin nanki Colosa

1 An Pablo, an xi kama nku nda postruhu^a Jesucristo at'aha Ntiana b'a ts'in kama mjehe. An ko nda nts'eé Timoteo² tísuniñaihi já nts'eé xi tintsu_{oo} nanki Colosa, jun xi kikj'áts'enuu Ntiana ko s'ejinnuu Cristo.

Kas'enuu kjuanda ko kjuayu xi tsjana Ntia Na'miná.

B'i ts'in kinchjantjai Pablo xuta ninku xi tjin nanki Colosa

³Xki nga chubantjaihi nginkun Ntiana xi Na'mihi Nda Ntiana Jesucristo, 'baihi máb'achj'íhi⁴ at'aha kik'inyani xi nkú ts'in s'ejinnuu Jesucristo ko xi nkú ts'in tjonuu ngayjee xuta xi ts'e Ntiana. ⁵B'a t'n'o at'aha kinu'yó én nda tsuhu Jesucristo, én xi naxu tjin. Y'éjña chjinuu ni xi tjinda ngandanuu ndjiojmi ján. Kui niu xi ja tichuyóhoo nd'ai.

⁶Kui éin xi tsichujinnuu nda tít's'in ko tífindju ajihin xuta nga ngúsuhun asuntee. B'a ta tíma ajinnuu b'aha ra nistjin nga kinu'yó ko tsichu mankjinnuu xi nkú t'jihin ra kjuandaha Ntiana. ⁷Kui éin xi tsakúyanuu nda Epa'fra, nda musu xinki xi 'yún tjoní. Naxu tífiko xáha eí nga tít's'inxát'aha Cristo ngajonuu. ⁸Kui xi kitsúyani kjuatjo xi y'éjñajin animanuu Espirituhu Ntiana.

⁹Nkúhu nga kik'inyani kui niu, najmi t'n'ekj'áiyai nga tichubantjaihi nk'ie nga tichubakoi Ntiana. Tíbinchiihi nga katumankjinyjenuu ni xi mjehe, ko nk'ie nga Espirituhu katsjánuu nga nanka n'enkjíntak'un ko nga kamankjinnuu ni xi ts'e Ntiana. ¹⁰B'a katuma tu xi kuíntsubahanu xi nkú ts'in t'jehen ra xuta xi ts'e Nda Ntiana ko nga n'oo ni xi sasíhin. Tíbinchiihi nga n'oo ngayje t'kjá ni xi nda ko nga 'yún kamankjinnuu nkú t'jihin ra ngat'a ts'e Ntiana. ¹¹'Yún kasakú nga'yúnnuu xi nkú ts'in t'jehen ra nga'yúhun Ntiana xi

^a 1:1 “Xi kis'exá” tsuhu ra “nda postru” ko a ra “já postru”.

tjihin kjuachánka, tu xi kuichúkuahánuu tu mí nihí ni kó tu xi najmi n'ekjehe ruu tak'un.

¹²Tsjo kat'enuu kó tjohon máb'achjhi Ntia Na'miná xi kits'in nga kama sakúnuu ni xi ts'injkáihin xuta xi ts'e xi k'úentu má ndzjeen. ¹³At'aha ja kikjexinná ajihin nga'yún xi tjin má jyuun kó kits'ínkj'aná má batéxuma Ntí xi tjoho. ¹⁴Kui xi y'échjintjainá, kui nga kin'endyjat'ahaná ngatitsunná nd'ai.

B'i ts'in tsakúya Pablo ni xi kits'in Cristo ngandaná

¹⁵Cristo kui xi nk'ie nga yaá, Ntianá yaá. Ntukaán bi najmi ma chjih Ntianá. Kui xi Ntíhi Ntianá xi tjun kintehe ni nga n'enda ngayjee ni xi kin'enda. ¹⁶At'aha kui tjíña, kui nga kin'endaha ni xi tjin ndjiojmi ján kó asuntee, ni xi ma chji kó ni xi najmi ma chji, xi k'akú kó xi tjihin xá, xi batéxuma kó xi nk'a tjen. Kui kin'echjén nga kamanda ni xi tjin kó kui kama ts'e. ¹⁷Kui xi tu b'a ts'in jahá tjíña kintehe ni nga kamanda ngayjee ni xi tjin, kó kui ngat'aha b'a k'uhun ni xi tjin xi nkú k'un.

¹⁸Xi nkú ta ts'in nintakaá batéxumaha yjonintená, b'a ta ts'in Cristo batéxumaha xuta ninku. Kui xi tjuhun. Kui xi tjun J'áiyaha ajihin xuta k'ien tu xi nk'a tsjéhen ra ngayjee ni xi tjin. ¹⁹At'aha kama tsjoho Ntianá nga y'éjñajihin Jesucristo xi nkú ts'in tjíyaha. ²⁰Ntianá kits'in nga kjuáik'un ngáha ra ngayjee xi incha ngji t'axín. Cristo kits'inchjén, kui nga tu ngat'aha jní xi tsaténdzjoho Cristo t'a kruu kitsjáha ra kjuajyu ngayjee xi tjin t'anankiu kó xi tjin nk'a ján.

²¹Nistjin nk'ie tsinima t'axíhuun Ntianá ataha ni ch'onk'un kin'o kó animanuu ngji kontraha Ntianá. ²²Tunga nga nd'ai Ntianá ja kits'in nga kjuáik'un ngáha ruu tu ngat'aha nga Cristo kits'ínkjas'en yjonintehe nga kin'ek'ien. B'a kits'in Ntianá tu xi kama kuichúchahanu nginkun kó kamo xuta xi ts'e xi najmi tjihin chuntí kó xi najmi kama n'enijéhe ra tsa mí nihi.

²³B'a kama tsa tu nku kixihí kó ndjá kuinchajiuun xi nkú ts'in s'ejinnuu Ntianá kó tu nku chuyahá ruu ni xi y'éjña chjinuu én nda tsuhu Jesucristo xi ja kinu'yó. Kui éen xi tís'enijmíhi xuta xi tjin nga ngúsuhun asuntee. An Pablo kik'ai xána nga k'uenijmía éin.

B'i ts'in kitsúya Pablo xá xi kik'aihi

²⁴Nd'ai tsjo tjinna nga tísakúna kjuá'un ngandanuu. Ajihin yjonintena tífindju kjuá'un xi tísakúhu Cristo ngandaha xuta ninku, at'aha xuta ninku xi yjonintehe Cristo. ²⁵Títs'inxá ajihin xuta ninku xi nkú ts'in y'éjña Ntianá nga kitsjána xá xu'bi ngandanuu, tu xi b'a ts'in s'enijmíhi xi nkú tjihin ra éhen Ntianá.

²⁶Tíb'enijmía ni xi kis'ejña 'ma nú chá ján. Najmi kisakúchjihí niu xuta xi kis'e nistjin nk'ie. Tunga nd'ai xuta xi Ntianá kikj'áts'e

tís'ejña chjih̄i niu. ²⁷Kits'ín mje nga kuakúhu xuta xi ts'e xi nkú ts'ín tǐjña kjuanchináha ko kjuachánkahá ajih̄in xuta xi tǐjín nga ngúsuhun asuntee. Kui nihi xi ja tís'ejña chji nd'ai. Ko ni xi tís'ejña chjiu, kui xi Cristo. Kui xi tǐjñajinnuu ko títs'ín nga tǐchuyohoo nga sakúhunuu kjuachánka.

²⁸Kui Cristo xu'bi tǐb'enijmíhi xuta. Ya sisiin xi nkú ts'ín tǐ'bai niyáih̄i ko tǐbakuyáih̄i ngayjee xuta, tu xi kuichú maha ngayjee xuta xi s'ejih̄in Cristo xi nkú ts'ín mjehe Ntíaná. ²⁹Kui ni xi títs'ian nk'ie nga títs'inxá. Nga'yún xi títs'ána Cristo tǐbasinkona, kui nga ndjá títs'inxáhana.

2 Mjena nga choo nga tu xí tsehé kjuanima tǐbenkínuu jun ko xuta ninku nanki Laodicea ko ngayjee xuta xi najmi be xi nkú tǐján. ²Mjena nga sakú nga'yúhun ngayjee xuta ninku, nga nkuhú k'ua xinkjín at'aha tjoho, ko nga nkuhú b'a kuitsu kjuankjintak'uhun nga nkúnkú, ko nga kamankjinyjehe ni xi mjehe Ntíaná. Yohó ni ma kamankjih̄in ni xi y'éjña 'ma Ntíaná, kui nihi xi Cristo nd'ai. ³Kui nga nk'ie nga yahaná Cristo yaá ngayjee kjuankjink'un xi 'yún nanka xi chjih̄i ra.

⁴B'i ts'ín tǐb'et'ánuu tu xi najmi ch'a én tsjo tsu tsank'á k'uanachakohonuu. ⁵Ndaha tsa najmi an kikjin tǐjñajinnuu, tunga kjintahána jun ko tsjo mana nga be xi nkú ts'ín nda tintsúbakoo xinkiu ko xi nkú ts'ín ndjá tinchajiun Cristo, at'aha kui xi s'ejinnuu.

B'i ts'ín tsakúya Pablo xi nkú ts'ín tintsúbakqá Cristo

⁶Kui b'a maha, xi nkú ts'ín kin'ekjáih̄in ruu Nda Ntíaná Jesucristo, tu nkú b'ahá ts'ín tsjénkiu. ⁷Nanka katji kjamannuu ajih̄in Cristo ko ndjá tinchajiun, at'aha kui xi kis'ejinnuu xi nkú ts'ín kisakúyanuu. Ko tehente tjohoon máb'achjih̄i Ntíaná nga ja kamo xuta xi ts'e.

⁸Chúhun yjonuu nga najmi tu ch'a xi k'uanachakohonuu én nanka tiya xi be xuta. Kui xi nibáha ra sin chá xi be xuta, ni xi asunnte y'aha ra. Najmi Cristo nibáha ra.

⁹Ajin yjonintehe Jesucristo tǐjñajin kikjin Ntíaná, ¹⁰ko jun ja kisakúnuu ni xi ndyjat'anuu kai at'aha nkuhú tsichu makoo Cristo. Kui xi batéxumaha ngayjee xi tǐh̄in xá ko xi batéxuma.

¹¹Nk'ie nga kis'ejinnuu Cristo, kin'enuu nku circuncision, tunga najmi circuncision xi n'ehé ra yjonintee kin'enuu. Circuncision xi kjexín ní jé xi kich'o kin'enuu. Cristo xi b'a kits'innuu. ¹²Nk'ie nga kisatentó, tsangyanjikoo Cristo. Nk'ie nga kis'ejinnuu nga'yúhun Ntíaná xi kits'ínkj'áiyako ngáha ra Cristo ngabayoo, ta j'áiyakoo ko kui ajih̄in ngabayoo.

¹³Jun xuta k'ien kamo nǐstjin nk'ie tu ngat'aha ngatitsunnuu, nk'ie nga najmi kin'enuu ni circuncision xu'bo. Tungá Ntíaná kits'ínk'íentu

tík'unkonuu Cristo. Kits'ínndyjat'aná ngayjee ngatitsunná. ¹⁴Kikjetiya xujun xi má nga kis'et'a ni xi tjenná, xi ngji kontraná. Kikjexín xujun kō kingját'a kruu. ¹⁵Cristo kits'ínchjén Ntíaná nga kits'ín nganahá xi tǐhǐn xá kō xi nk'a tǐen. Kiya kjuasuba xi kisakúhu nga kin'e nganahá xi tǐhǐn xá kō xi nk'a tǐen.

¹⁶Kui nga najmi tu ch'a n'esihǐn ruu xi kuinchjayanenuu ngat'ahá ni xi tǐchino kō tsa xi tǐ'yu, kō a rǎ ngat'ahá nǐstjin nga tǐbitju s'í, kō a rǎ nǐstjin nga tǐb'atuts'ihǐn sóo, kō tsa nǐstjin nkjún. ¹⁷Ngayjee ni xu'bi mjehe kuakúchji ni xi nibá askahan, tunga Cristo bi b'éjǎa chji sisin ni xi nibóo.

¹⁸Najmi tu 'bǎinto nga xi b'asje nǐmakjua maña yjohō kō benkjún ntǐtsjee incha k'uéchjanuu ni xi n'ekjóhōon. Kui jóo xi ni xi ma chji suba kuihi nchjanímíyaha kō nk'a b'asje tiya yjohō ngat'ahá ni xi mankjihǐn ei asuntee. ¹⁹Ja incha ngji t'axihǐn xi nintaku xuta nǐnku maha. At'ahá xi nintaku xuta nǐnku maha, kui xi ts'ín nga sá yjonintee xi nkú ts'ín mjehe Ntíaná nga sá. Sá yjonintee at'ahá incha y'a y'ahá rǎ xinkjǐn.

B'ǐ ts'ín tsakúya Pablō nk'ie nga Cristo tsayakaá kō j'áiyako ngáhaná

²⁰Ja tsyakoo Cristo, kui nga kama ndǎihǐ ruu ni xi batéxumaha asuntee. Kui nga, ¿á tǐnu'yá'én saha ruu asuntee xi nkú ts'ín tjǐntuhu xuta xi ts'e? ¿Á tǐnu'yá'én saha ruu kjuatéxuma xi tsuhu xuta? ²¹B'a tsu éen: “Najmi tu n'ekoo niu. Najmi tu chjut'o niu. Najmi tu chjubó niu.” ²²Kui ni xu'bi nintaku xuta tsitjuhu kō xuta y'éjǎa. Feya niǐ nga n'echjén. ²³B'a maha xi kixǐ mankjihǐn maha nga b'a ts'ín nchja, at'ahá ts'ín kjua'yúhūn rǎ xuta nga skuenkjún Ntíaná kō nga ts'ín nǐmakjua yjohō kō nga 'yún tsjáha kjuanǐma yjonintehe. Tunga najmi chumi ni chǐhǐ rǎ tsa basinkoná nga b'éch'oná ni xi nchjahá animanǎ asuntee.

3 Ja j'áiyakoo Cristo ngabayoo, kui nga tǐnchǐsjaihinu ni xi tjǐn ndjiojmi ján má tǐjǎat'ahá Cristo Ntíaná. ²Ni xi tǐehen rǎ ndjiojmi ján n'enkjǐntak'un, najmi ni xi ts'e asuntee. ³At'ahá ja tsayo kō tǐntsuba tǐk'unkoo Cristo nginkun Ntíaná. Kui nga najmi ma chjhi yáha jun nd'ǎi. ⁴Cristo xi ts'ín nga tǐntsuboo. Nǐstjin nga kj'uaíkúchji yjohō Cristo, kui nǐstjiun tǎ chá yáha jun kō kuakúchjiu kjuachánkaha.

B'ǐ ts'ín tsakúya Pablō xi nkú ts'ín chúhuún yjoná

⁵Kui nga n'ek'iehennu ni xi tjǐntujǐn animanuu xi tǐehen rǎ asuntee. Najmi tu ch'a xi chúba kjúántukohó xinkjǐn, kō tsa ts'ín ni xi chuntǐ nginkun Ntíaná, tsa yjonintee xi kuatéxumaha, tsa mjehe ts'ín ni xi ch'on tjǐn, tsa kjuanchǐná 'yún kjuásihǐn. Xi 'yún fásihǐn

kjuanchiná, kui xi kjaí ntia tjencki. ⁶Tu ngat'aha nga b'a incha ts'ín xuta, kui kjuaha nga incha nibánehe ra kjuakjahan Ntíaná. ⁷Ko jun b'a ta kin'o nistjin nk'ie, nk'ie nga tintsubajiuun ni xu'bo.

⁸Nd'ai ta n'e t'axiún kjuakjoo, kjuastintoo, kjua'unchoo, én chubait'ooon ko én ch'on tsuu. ⁹Najmi tu ch'anachoho xinkiu. Xi nkú ts'ín tintsuboo nistjin nk'ie, b'a joyaha tsa nku najyun chá kin'esjo. ¹⁰Tunga xi nkú ts'ín tintsuboo nd'ai, b'a joyaha tsa najyun tsetse kindyja ngáhanu. Xi nkú ts'ín tjíyaha Ntíaná, b'a ts'ín tís'eyanuu nk'ie nga títs'ín tsetsenuu ko nga tímankjin sisinnuu nkú tjíhin ra ngat'a ts'e Ntíaná. ¹¹Ajihin xuta xi ja kama tsetse najmi ta chumi ni behe yá xi ntje judio tjehe ra ko yá xi najmi ntje judio tjehe ra, yá xi kin'ehe ni circuncision ko yá xi najmi kin'ehe, yá xi xin nibáha ko yá xi kinte tje nginkun xuta, yá xi xuta musu xi kich'atse ko yá xi ndáihí yjoho. Ngayjee kui nii nkuhú bichú majín Cristo, ko Cristo tjíñajihin ngayjee.

¹²Ntíaná j'ájinnuu, kikj'áts'enuu ko tjoho jun. Kui nga n'e tsetse yahanu xi nkú ts'ín kuintsuuboo nga chasenimoo xinkiu, kas'enuu kjuanda, nimakjua kas'eyanuu, nimakjua n'ekoo xinkiu ko najmi tu kitsa katuma stinnuu. ¹³N'e'yún tak'uhun xinkiu ko n'endyjat'ohoo xinkiu tsa tjin ajinnuu kjuasti. Xi nkú ts'ín kits'ínndyjat'anuu Nda Ntíaná, b'a ta ts'ín n'endyjat'ohoo xinkiu. ¹⁴N'etjé xinkiu, at'aha kjuatjoo xi 'yún chjí saha ra nga ngayjee ni xingisoo ko nkuhú ts'ín manuu.

¹⁵Kichj'ajinnuu tu xi nkuhú yjonintehe Cristo kamahanu ko b'a ts'ín s'ehenuu kjuajyu. Kjuajyuhu Cristo katsjániyáha animanuu ko tehente tjohoon máb'achjihí Ntíaná ngat'a ts'e kui niu.

¹⁶Kat'ejñajinyjenuu éhen Cristo. N'enkjínk'un sisiun xi nkú ts'ín kuakúyohoo ko nga k'uai niyóhoo xinkiu. Tjohoon máb'achjihí Ntíaná ajin animanuu nga sóhoo salmo ko sohon ninku ko xi nkú ts'ín kuakúyanuu Espiritu nga só. ¹⁷Ngatentee ni xi n'oo, tsa chubo ko tsa tu mí xáha ni xi n'oo, Nda Ntíaná Jesu n'ekasún títjun nga b'a n'oo ko tjohoon máb'achjihí Ntia Na'miná ngat'a ts'e ni xi kisakújinnuu Jesu.

B'í ts'ín tsakúya Pablo xi nkú ts'ín k'úéentu xuta

¹⁸Jun xi tí'minnuu chjuún, chankjún x'innuu. B'a n'oo xi nkú ts'ín tjíñaha xuta xi janki Nda Ntíaná.

¹⁹Jun xi tí'minnuu x'in, n'etjé chjuúnnuu ko najmi tu ndjá n'ekoo.

²⁰Jun xi tí'minnuu ntí, t'ínú'yá'én tehentohoo xi chánuu. At'aha kui niu xi sasíhin Nda Ntíaná.

²¹Jun xi tí'minnuu na'mi, najmi tu chuba kjahán n'ekoo ntínuu, tu xi najmi kfehe ra k'un.

²²Jun xi tí'minnuu xuta musu xi kich'atse, t'ínú'yá'én tehentohoo xi já ntianuu maha ei asunntej. Najmi tu nk'ie nga t'ibasenuu b'a n'o, tsa

tǔ xi nda kuasehenuu. Ngayjehe ní tak'un b'a n'oo at'aha Nda Ntǎnǎ yankjún. ²³Tǔ mí xáha ni xi n'oo, ngayjehe animanuu b'a noo. B'a n'oo xi nkúhu tsa Nda Ntǎnǎ tǐn'exát'ohoo, najmi tsa xuta. ²⁴Yo nga sakúnuu ni xi tǐndaha Ntǎnǎ nga tsjáha ntǐhi. Cristo tǐn'exát'ohoo, kui xi Nda Ntǎnǎ. ²⁵Xi tǐts'ǐn ni xi najmi b'a tǐjn, kui xi ts'ǐnkjǎin ngajoya ngáha ra chǐhi ni xi tǐts'ǐn. Najmi ngabi ts'ǐnko Ntǎnǎ xuta.

4 Kǔ jun xi tǐ'minuu já ntǐa, nda kǔ kixi n'ekoo xuta musu xi kich'atso. At'aha yo nga ta tǐjnanuu kǔ jun nku Nda Ntǐa ndjiojmi ján.

²N'ekjas'ohoon yjonuu nk'ie nga chubakoo Ntǎnǎ. Najmi tǔ n'ekjentohoo yjonuu nga tjohoon máb'achǐhi ngat'a ts'e ni nda xi tsjánuu. ³Kǔ ta chubantjaini tǔ xi Ntǎnǎ tsjánteni má nga k'úenijmǐ éhen, tǔ xi kuixinyahani ni xi kis'ejna 'ma nǐstjin nk'ie kǔ tǐs'ejna chji nd'ǎi ngat'aha Cristo. At'aha kui kjuaha kǐiya'yúhunna ei. ⁴Chubantjainú tǔ xi kama kuakuchǐ sisihinna éhen kǔ xi nkú ts'ǐn tǐjhin nga kuinchja.

⁵Nanka n'ekjǐnk'un xi nkú ts'ǐn kuǐntsubajihuun xuta xi najmi s'ejhin Ntǎnǎ. Xki nǐstjin xi kjuá chase sisihuun ni xi n'oo. ⁶Tehente tsjo ts'ǐn chubo kǔ kas'ehe sin ni xi chubo. B'a ts'ǐn chahanu xi nkú k'úihuun nga nkúnkú xuta.

B'ǐ ts'ǐn kits'ǐnkje Pablo xujun

⁷Xi nkú ts'ǐn tǐjina ei kuǐtsuyayjenuu nda Tikiko, nda nts'eé xi tjona, xi kixi tǐts'ǐntjusun xáha, xi ta tǐts'ǐnxát'aha Nda Ntǎnǎ xi nkúhu an. ⁸Kui xi tǐts'ǐnkjǐsenuu tǔ xi chahanu xi nkú n'e tǐntsubaj ei kǔ tǔ xi sakú nga'yúhunuu. ⁹Kǔ tǐts'ǐnkjǐka Onesimo, nda nts'eé xi tjona xi ta kixi tǐts'ǐntjusun xáha kǔ xi nda nankinuu maha. Incha kuǐtsuyanuu ngatentee ni xi tíma ei.

¹⁰Tǐts'ǐnkjinuu kjuasuniña Aristarko, nda xi kjiya'yúnkǔna núbayá ei, kǔ Marko xi nts'esti maha Bernabe. Ja ta tsichunuu éhen Marko. Nda n'ekjóhoo tsa kuichúsenuu yo. ¹¹Kǔ tǐts'ǐnkjinuu kjuasuniña Jesu, kui ndo xi ta 'mi ya Justo. Tǔ kuihǐ já judio xu'bǐ xi y'anjkǔna xá xi tǐts'ǐan nga tǐb'enijmǐá xi nkú ts'ǐn batéxuma Ntǎnǎ. Kui jóo xi tsjá nga'yúnna.

¹²Ta tǐts'ǐnkjinuu kjuasuniña Epafra, xi nda nankinuu maha. Kui xi ta tǐts'ǐnxát'aha Cristo Jesu kǔ tehente ngayjehe k'un tǐbankintjǎinuu nga tǐnchjako Ntǎnǎ, tǔ xi ndjá kuinchahanu kǔ kama je kikjiun kǔ kamo xi nkú ts'ǐn mjehe Ntǎnǎ. ¹³An be sisan xi nkú ts'ǐn Epafra kjintaha ra jun kǔ ta kjintaha ra xuta xi tǐjn nanki Laodicea kǔ xi tǐjn nanki Hierapoli.

¹⁴Ta tǐts'ǐnkjinuu kjuasuniña Luca, nda chjinenki xi tjona, kǔ Dema.

¹⁵Tjohoon kjuasuniñana já nts'eé xi tǐjn nanki Laodicea kǔ tjohoon kjuasuniñana tachjuún Ninfá kǔ xuta nǐnku xi ma ñjakú ni'yaha.

¹⁶Nga ja kamanuu nga n'eyo xujuin, ta n'ekjîhuu nga kats'inya xuta nînkû Laodicea. Ko jun ta n'eyo xujun xi nîbaha Laodicea.

¹⁷B'a t'ihūun Arkipo: "N'enkjîntak'uin nga nda n'etjusuin xáha Nda Ntíaná xi kik'aihi."

¹⁸An Pablo ntuna tîb'et'áhanuu kjuasuniñana. N'ekj'áitsjon nga kjíiya'yán.

Kas'enūu kjuandaha Ntíaná.